



09972 ✓

司空表聖集卷一

唐司空圖著

題山賦

蘭吾髮以羣嬉兮乃恣狎於林壑窘世路之榛榛兮匪茲焉而何
託仰基矩之惟舊兮豈屏眇之彼度矧靳符而還農兮亦靡勞於
濬鑿壯神工之騁奇兮樹一峯而中擢齮鼇鼻而嘘空兮湧佛螺
而旁絡阜交蹠於良隅兮俯川隘而黼錯躋遺堞以仰眩兮洵瀑
巔而電薄腴卉木以駢昌兮藹葩屏而麝幄滋彩粹以紛翔兮玩
韶鮮而戲濯覩羣物之遂性兮澹吾躬而斯樂笑殊道以徇強兮
喜兮鵬而跼螻雖穴處而志揚兮逸軒肆於宏廓借家國之未忘
兮鄙榮伸而陋約鏡貞明而自勗兮行與息而靡作

春愁賦

乾坤正氣集卷四十

芳澹灑兮翠緜緜泥晨霞兮泊晚煙鬱情條以凝睇裊愁緒以傷
年羣企胥悅幽棲自憐勝事而何人忘返賞心而與我相捐當其
玉律驚春香風拂曙晴陽小苑之道紺靄青門之樹繡轂相追金
羈並驚攜豔冶以爭出指狹邪而共趣貪壯歲之娛遊惜繁華之
易度豈知低摧上國寂寞良辰林幽鶯囀院古苔新暗想歌鐘之
會出隨車馬之塵落日歸臥懸琴歎頻孤枕役故園之夢一宵驚
白首之人江楓暮兮江水淥蕩羈魂兮勞遠目倚蘭棹兮雨霏霏
懋蘋洲兮衣馥馥千古兮此時此地愍輸忠而見逐邊鴻下兮邊
草生擁玉帳兮滯龍城折柳厭河梁之贈落梅傳戍笛之聲萬里
兮此時此日歎積雪之徒征莫不慘澹傷神迴環縈慮念郢闕以
迴首憶帝鄉之歸路雖陽和之暗攻自眇默而誰訴於是情馳天
末黛斂閨中徘徊暖榭徒靡芳叢燕泥滴滴而簷壞蛛網迷迷而



帳空憐笙罷典挑錦停功怨韶光之虛擲與長夜而還同若斯者
固紛爾多狀浩然莫窮彼人情之貿遷繁植物之榮悴何深衷之
委鬱謝園煦於天地縈心夜焚凝魄朝醉同垢衣之莫澣豈萱棧
之可慰願昭暢於春臺雪胸襟之滯義

共命鳥賦 并序

西方之鳥有名共命者連腹異首而愛憎同一伺其寐得毒卉乃
餌之既而藥作果皆斃吾痛其愚因爲之賦且以自警賦曰

彼翼而飛罔憎其類彼蟲而齧罔害於己惟斯鳥者宜稟乎義首
尾雖殊腹背匪異均休共患寧忿寧已致彼無猜銜莖以餌厥謀
雖良厥禍孰避臬鴟竅笑鳳凰愕眙躬雖俱斃我則忘類人固有
之是尤可畏或競或否情狀靡窮我同而異鈎竿其外膠綴其中
癰囊已潰赤舌靡縫緩如闕二迅如駭蠶附強迎意掩醜自容忘

乾坤正氣集

卷四十

二

其不校寢以頑凶若茲黨類彼實孔多一勝一負終嬰禍羅乘危
逞怨積世不磨孰救其殆藥以至和怪雖厲鳥勿伐庭柯爾不此
病國如之何

情賦 并序

愚嘗賦春情數百言狀其思媚自謂撫衆騷之遺恨遭亂而失今
獨憶其間三十五字存於濯纓之東楹云

暖融溶兮傍曲塘扶蘭心兮牽藕腸雨絲絲兮暮暗芳阻佳期兮
日難忘情煙綿兮悄自傷

上譙公書

再拜愚伏以布衣犯將相之威者近皆笑率指愚爲狂是輕薄子
不能以慨然之量待今賢傑也相公得不念之耶某迹拘世累而
業久於山援古勘今思有所發者蓋竊惟近朝據重位而勇蹈功

名之利恥天下有遺才直吾相國也又敢求吾相之心所以未忍棄生民之望者固非濡濡於富貴豈不以時持大柄事或阻心且後弛張俾無遺恨於不朽耶愚以是竊抃有以企天下之福矣雖在於至愚猶有輕慮誠以相公既當有得賢之盛將尤有惜夫自持既嘗獨決機權將尤以事不足問則黨附之賢或興而專美之道可隘耳請陳其說夫用人固得矣亦在知失之不足蓋爲明則僞者懲而實者勸且無傷於愛士處事也固濟矣又知謀之不必自我出爲知則聽日廣而神不勞且無傷於好謀是道也蓋賢哲用之而不竭相公得之而不疑坦懷至公自無愧古然後文尙制科之選武先西北之虞前年已上書蜀相抑簡誕以捐空峻規程而括實

則病應適時之宜盡矣此皆相公夙自踐於沉實而小子雖吃悻不能面發願激揚於片時耳非爲挾利之資也抑自古鈞奇而售乾坤正氣集

卷四十

跡者既多以分蹇動無所合且實必俟臨機方見其萬一非敢率易併瀆尊威干犯之誅則不復自同輕薄子以爲疑懼俟命謹再拜

與臺丞書

中丞閣下某昔者常從其友於郡邑之鄙其鄰叟有善藝卉木者或從之鬻於都下未嘗不丞售而返人謂之曰里市所貨皆資生之所闕尙有提之汲汲而不克售者今叟晨往暮歸未嘗少滯其所鬻何哉叟曰鬻植之道雖本於天時亦且診於人情耳蓋視其人夸其居侈則所翫者必欲朝炫其葩夕味其實矣彼或以勁正自處所植必慕賢良吾皆揣之各銜其所欲焉有曝滯之患哉今閣下前爲小宗伯實振惟公之舉庶不孤吾道矣况憲府僚屬繫本朝之輕重是尤宜於慎擇也會昌中杜牧之爲補闕陪賀客於

孔氏之門獨斂板而前言御史丞風威在取人之得失乃薦邢羣焉今有邢賁者乃羣之猶子雅志貞獨且以名節自任其所任其所爲亦足觀其所志愚以是輒有里叟之說蓋待吾憲丞不薄矣且自古推心苟不望報於其人則未有不堅於著効者愚所任不私而已苟謂言者之輕而捨諸亦非敢以爲恥又有王駕者黜休之後於詩頗工於道頗固但其所知方在顯清之地不敢越境以輸其珍耳所與論詩一首亦輒緘獻其他當俟問下操人柄救時艱而后敢以志英豪之事業者達於執事庶不驅之讐敵也再拜

貽王進士書

辱示製述甚非所宜敢不以所說陳於左右哉楚宋交怨而使其其間宋人有得玉於其境者遇楚使適至誇示之楚人謀沮其玉請先譽於宋國旣獻宋果怒曰玉產於吾土而價張於吾仇是欺乾坤正氣集卷四十

四

我也不果售今吾守道固窮且竊文學之譽是邪競沽虛者之所仇嫉者吾子之才固奇矣乃以所質實於吾懷是玉者未適於市而嘆者已盈於門矣必曰不投知於司空氏必曰不受知於司空氏則雖吾子之奇必足速得志於時矣舍是無他術也所貺益腆不敢發神幸詳其意勿冒時之所忌

與李生論詩書

文之難而詩尤難古今之喻多矣愚以爲辨於味而後可以言詩也江嶺之南凡足資於適口者若醢非不酸也止於酸而已若醃非不鹹也止於鹹而已中華之人所以充飢而遽輟者知其鹹酸之外醇美者有所乏耳彼江嶺之人習之而不辨也宜哉詩貫六義則諷諭抑揚淳蓄淵雅皆在其中矣然直致所得以格自奇前輩諸集亦不專工於此矧其下者耶王右丞蘇州澄澹精緻格

在其中豈妨於道學哉賈閔仙誠有警句然視其全篇意思殊餒
大抵附於蹇濫方可致才亦爲體之不備也矧其下者哉噫近而
不浮遠而不盡然後可以言韻外之致耳愚竊嘗自負既久而愈
覺蹇然得於早春則有草嫩侵沙長冰輕著雨銷又人家寒食
月花影午時天上句云隔谷見雞又雨微吟足思花落夢無膠又
夜短猿悲減風和鵲喜靈得於山中則有坡暖冬生笋松涼夏健
人又川明虹照雨樹密鳥衝人得於江南則有日帶潮聲晚煙和
楚色秋一作戌鼓和潮暗船又曲塘春盡兩方響夜深船得於塞
上則有馬色經寒慘鵬聲帶晚飢得於喪亂則有驛驢思故第鸚
鵡失佳人又鯨鯢人海涸魑魅林幽得於道宮則有碁聲花院
閉幡影石壇高得於夏景則有地涼清鶴夢林靜肅僧儀得於佛
寺則有松日明金像苔龕響木魚又解吟僧亦俗愛舞鶴終卑得

乾坤正氣集

卷四十一

五

於郊園則有暖景雞聲美微風蝶影繁又遠陂春早滲猶有水禽
飛上句云綠樹連村得於樂府則有晚粧畱拜月春睡更生香得

於寂寥則有孤螢出荒池落葉穿破屋得於愜適則有客來當意
愜花發遇歌成雖庶幾不瀆於淺澗亦未廢作者之譏訶也七言

云逃難人多分隙地放生鹿大出寒林又得劍乍如添健僕亡書
久似憶良朋又孤嶼池痕春漲滿小欄花韻午晴初又五更惆悵

回孤枕猶自殘燈照落花上句云故國春歸未有又殷勤元旦日

欵午又明年上句云甲子今重皆不拘於一概也蓋絕句之作本

於詣極此外千變萬狀不知所以神而自神也豈容易哉足下之
詩時輩固有難色儻復以全美爲上卽知味外之旨矣勉旃司空

表聖再拜

與王駕評詩書

之工雖蒙譽於賢哲未足自信必俟推於其類而后神
揚今之贊藝者反是若卽醫而斬其病也惟恐彼之善察
藥之我攻耳以是率人以謾莫能自振痛哉且工之尤者莫若工
於文章其能不死於詩者比他伎尤寡豈可容易較量哉國初主
上好文雅風流特盛沈宋始興之後傑出於江寧宏肆於李杜極
矣左丞蘇州趣味澄篋若清風之出岫大厯十數公抑又其次焉
力勅而氣孱乃都市豪估耳劉公夢得楊公巨源亦各有勝會聞
仙東野劉得仁輩時得佳致亦足滌煩厥後所聞逾褊淺矣然河
汾蟠鬱之氣宜繼有人今王生者寓居其間浸漬益久五言所得
長於思與境借乃詩家之所尙者則前所謂必推於其類豈止神
躍色揚哉經亂索居得其所錄尙累百篇其勤亦至矣吾適又自
編一鳴集且云撐雲裂月劫作者之肝脾亦當吾言之無忤也本

乾坤正氣集

卷四十

六

有道之不
疑四字

與惠生書

足下某贅於天地之間三十三年矣及覽古之賢豪事跡慙企不
暇則又環顧塵蔑自知不足爲天下之贅也噫豈非才不足而自
強耶雖然丈夫志業引之猶恐自跼誠不敢以此爲憚故文之外
往探治亂之本俟知我者縱其狂愚以成萬一之効壯心未決俯
仰人羣今遇先生俾僕得以盡論修討源委然後次第及於濟時
之機也唐虞之風三代非不敝也賴聖人先其極而變之不滯耳
秦漢而下時風益澆視之而不知其弊矯之而不知其變文質莫
辨法制失中侮儒必止沈儒必削士大夫雖有自負雅道者既不
足以振之而又激時之怨耳漢魏之際其弊益極懲馬融胡廣之
流故李膺質而峻誠何晏桓範之俗則王衍簡而清矯之而不和

滯之而不顧始以類聚相扇終以浮黨見嫉而至國家皆瘁而不
寤也悲夫故愚以爲今欲應時之病卽莫若尙通不必叛道而攻
利也隘則驅之以仇已樹政之基莫若尙法不必任察而嗜刑也
弛則怠之以陷人舍此二者伊周不能爲當今之治苟在位者有
問于愚必先存質以究實鎮浮而勸用使天下知有所竟而不自
窘以罪時焉噫有必不能辨之於言者有之矣未有無其心無其
言可以垂名於不朽者且一家之治我是而未必皆行也一國之
政我公而未必皆行也就其間量可爲而爲之當有以及於物不
可爲而不爲亦足以見其心必曰俟時而後濟其仁蓋無心之論
夫百人並迫於水火可皆救之斯爲幸矣不可皆救則將竭力救
其一二耶亦將高拱以視之耶幸先生以質於時賢審其有心然
後可爲編次第之說再拜

乾坤正氣集

卷四十

七

復陳君後書

吾旣以疑經爲後述矣今年夏陳君果復致累百言且援穀梁之
說欲以質吾吾熟視其書率意而答之足下復所云云非不知也
且夫謂之求則固當借受其譏矣雖然舅姑之疾且餒苟力不能
制其悍婦則必羸其聲哀求於一飯豈忍諄之乎吾本朝之臣耳
豈敢誨其苞茅不貢之漸耶干載之下必有知言者不多譚

與極浦書

戴容州云詩家之景如藍田日暖良玉生煙可望而不可置於眉
睫之前也象外之象景外之景豈容易可談哉然題紀之作目擊
可圖體勢自別不可廢也愚近作虞鄉縣樓及柏梯二篇誠非平
生所得者然官路好禽聲軒車駐晚程卽虞鄉入境可見也又南
樓山最秀北路邑偏清假令作者復生亦當以著題見許其柏梯

之作大抵亦然浦公試爲我一過縣城少畱寺閣足知其不忤也
豈徒雪月之間哉佇歸山後看花滿眼淚迴首漢公卿人意共春
風上二句楊庶子哀多如更聞下至於塞廣雪無窮之句可得而評也鄭
雜事不罪章指亦望呈達知非子狂筆

答孫邵書

孫君足下所貺累幅皆厚責於我是足下勤於吾道必欲起而振
之也何以克當雖然始於退者皆曰吾之必誠也今憇獨以爲不
誠自訟亦誠在其中矣幸足下詳其旨古之山林者必能簡於情
累而後可久今吾少也忿然不能自勝於胸中及不誠而退者然
亦窮一不進者蓋審已熟雖進亦不足於救時耳彼一

飯之施或請濟於其鄰雖童子不可以空器給之也矧當艱否之

運吾

以得失來天下之賢達將與之共拯其可沽虛而

章坤正氣集

八

自集耶且自古賢達用舍之際當俟至公物情而後天意可見雖
宰執大臣之推心亦不能察天下托我之意也況足下一布衣其
可獨私於我書曰龜從著從則人亦不違天矣足下所示勤勤
於此而取舍之間果致失墜是非有物亦欲沮之耶始吾自視固
缺薄今又益疑其不可妄進且持危之術制變之機非齷儒之所
克辨也愚雖不佞亦爲士夫獨任其恥者久矣其可老而冒之耶
韓吏部激李桂州之不行責陽道州無勇雖致二賢適自困亦何
救於大患哉其所爲者或奮而不顧匹夫匹婦亦可爲之孟子所
謂非不能也足下釋於通義耳其間亦未盡於僕者勿多譚再拜

題柳柳州集後序

金之精麤攷其聲皆可辨也豈清於磬而渾於鐘哉然則作者爲
文爲詩才格亦可見豈當善於彼而不善於此耶愚觀文人之爲

詩詩人之爲文始皆繫其所尙既專則搜研愈至故能銜其工於不朽亦猶力巨而鬪者所持之器各異而皆能濟勝以爲勅敵也愚嘗覽韓吏部歌詩累百首其驅駕氣勢若掀雷抉電奔騰於天地之間物狀奇變不得不鼓舞而徇其呼吸也其次皇甫祠部文集所作亦爲迢逸非無意於深密蓋或未遑耳今於華下方得柳詩味其深搜之致亦深遠矣俾其窮而克壽抗精極思則固非瑣瑣者輕可擬議其優劣又嘗觀杜子美祭太尉房公文李太白佛寺碑贊宏拔清厲乃其歌詩也張曲江五言沈鬱亦其文筆也豈相傷哉噫彼之學者褊淺片詞隻句不能自辨已側目相詆訾矣痛哉因題柳集之末庶俾後之詮評者罔惑偏說以蓋其全工

中條王官谷序

知非子雅嗜奇以爲文墨之伎不足曝其名也蓋欲揣機窮變角

乾坤正氣集

卷四十一

九

功利於古豪及遭亂竄伏又故無有憂天下而訪於我者曷以自見平生之志哉因拮拾詩筆殘缺無幾乃以中條別業一鳴以目

其前集庶警子孫耳其述先大夫所著家牒照乘傳及補亡舅名

四歲能誦其舅水輪陳君賦十六卷劉氏洞史二十卷贊祖彭城公中興事並愚自撰密史

皆別編次云有唐光啟三年泗水司空氏中條王官谷濯纓亭記

送草書僧歸楚越

儉荒之俗尤惡伎於文墨者華民流寓而至則遽發其橐焚棄札牘之累以快旣自容矣又仇沮繼至者若不勝其怨噫是華舌吏心而又甚之者矣泊天下將亂則雖吾里其風亦變果儉荒之流民亦多矣倘或未化亦其益孤不能自振苟聞志於吾伎則必躍而游之矧踵門而勤請者耶詈光僧生於東越雖幼落於佛而學無不至故逸跡遒勁之外亦恣爲訝詩以導江湖沉鬱之氣是佛

首而儒其業者也雖孟荀復生豈拒之哉今繫名內殿且爲歸榮
足以光於遠矣永嘉西岑康樂勝遊之最是行也爲我以論詩一
篇題於絕壁

書屏記

人之格狀或峻其心必勁心之勁則視其筆跡亦足見其人矣歷
代入書品者八十一人賢傑多在其間不可誣也國初歐虞之後
繼有名公元和長慶間先大夫初以詩師友兵部盧公載從事於
商於因題紀唱和乃以書受知於裴公休辟倅鍾陵及徵拜侍御
史退居中條時李忻州戎亦以草隸著稱爲計吏在滿因輟所寶
徐公浩眞跡一屏以爲貺凡四十二幅八體皆備所題多文選五
言詩其朔風動秋草邊馬有歸心十數字或草或隸尤爲精絕或
綴小簡於其下記云怒猊抉石渴驥奔泉可以視碧落矣先公清

乾坤正氣集

卷四十

十

且披玩殆廢寢食常屬誠云正長詩英吏部筆力逸氣相資奇功
無跡儒家之寶莫踰此屏也但二者皆美神物所窺必當奪璧於
中流飛鏗於烈火也殆非子孫之所可存耳庚子歲遇亂自虞邑
居負之置於王城別業丙辰春正月陝軍復入則前後所藏及佛
道圖記七千四百卷與是屏皆爲灰燼痛哉今旅寓華下於進士
姚顛所居獲覽書品及徐公評論因感憤追述貽信後學且冀精
於賞覽者必將繼有詮次光化二年八月三日泗水司空圖銜涕
撰錄謹記

休休亭記

休休也美也旣休而且美在焉司空氏王官谷休休亭本濯纓也
濯纓爲陝軍所焚愚竄避踰紀天復癸亥歲蒲稔人安旣歸葺於
壞垣之中構不盈丈然遽更其名者非以爲奇蓋量其材一宜休

也揣其分二宜休也且耄而賸三宜休也而且少而情長而率老而迂是三者皆非救時之用又宜休也尙慮多難不能自信旣而晝寢遇二僧其名皆上方刻石者也其一曰闍頑謂吾曰吾嘗爲汝之師也汝昔矯於道銳而不固爲利欲之所拘幸悟而悔將復從我於是谿耳且汝雖退亦嘗爲匪人之所嫉宜以耐辱自警庶保其終始與靖節醉吟第其品級於千載之下復何求哉因爲耐辱居士歌題於亭之東北楹自開成丁巳歲七月距今以是歲是月作是謔亦樂天作傳之年六十七矣休休乎且又歿而可以自任者不增愧負於國家矣復何求哉天復癸亥秋七月二十七日耐辱居士司空圖記

山居記

中條就蒲津東顧距虞鄉纔百里亦猶人之秀發必見於眉宇之

乾坤正氣集

卷四十

十一

間故五峯頽然爲其冠珥是谿蔚然涵其濃英之氣左右函浴乃滌煩清賞之境會昌中詔毀佛宮因爲我有谷之名本以王官廢壘在其側今司空氏易之爲禎陵谿亦曰禎貽云愚以家世儲善之祐集於厥躬乃像刻大悲跋新構於西北隅其亭曰證因證因之右其亭曰擬綸志其所著也擬綸之左其亭曰修史勗其所職也西南之亭曰濯纓濯纓之牕且鳴皆有所警堂曰三詔之堂室曰九籥之室曠其壁以模玉川於其間備列國朝至行清節文學英特之士庶存聳激耳其上方之亭曰覽昭懸瀑之亭曰瑩心皆歸於釋氏以栖其徒愚雖不佞猶幸處於鄉里不侵不侮處於山林物無天伐亦足少庇子孫且詎知他日復覩睟容訪陳迹者非今茲誓願之證哉久於斯石庶幾不味有唐光啟三年丁未歲記

紀恩門王公凝遺事

上四年春以大河南王公治狀宜陟詔假禮部尙書按察宣歙池
二郡既卽治未涉時吏化民悅晝亡可爲冬十月賊始自同安分
濟入屠至德州在池公遣將孟琢疾以兵助守池州亦有備賊少

却會其黨繼至言扣壁實欲轉襲南陵公揣之如其計命樊儔進
扼青陽路儔固自彭門分公察其健決而易敵誠之邀險無得輕
進儔固去會謀者言寇少將遁儔欲生沮之麾兵不顧旣而越險
賊遽至軍遂委而逸間二日馳歸以敗告公數其違命立斬以徇
諸將在南陵聞之者皆股慄以死綴賊故青弋江得恣爲備青弋
在江東南陵也人心不搖矣公前命寧國兵遮截之生得其踏白
數十騎乃並山引退四月凶渠復大入而都紀王涓亦自采石赴
援公宴勞加禮且諭之曰盜匿情詐吾盡得之矣今席勝而驕謂
吾城不勞而可綴則攘臂而來前無絲髮之礙

石知吾堅壁待

乾坤正氣集

卷四十

十一

之其勢自劬將軍第按甲稔威以伺其隙慎勿一之驟戰也涓意
銳自州城日趨四舍至南陵未會食而戰遽死之明日中貴人自
領敗卒尙四五千傷痛之聲與塵埃相雜而至江以南雅自怯獨幸
北軍以爲固及聞涓敗相顧失色賴公前策涓不足恃拒守益嚴
又城中水乏而泉自躍出人心益牢竟免攻圍之患旣踰月中貴
人阻撓無去意卒橫不能禁公以書讓之曰吏之捕蝗者旣不克
勝而且俯食於民是率暴以濟災也今將軍纂天下精兵挫於狂
寇而又恣之俾民不得治其生業何以稱主上所以待將軍之意
哉中貴人詞詘趨發其親吏入里舍毆奪民馬公乘門望之麾左
右立提置杖殺軍愕眙不敢畱自後日夕撫循常若寇復至者其
儲畜繕完之利到今賴焉噫公始以傑德峻望爲時聳服而夔特
恢濟之心人莫能見雖不能致其道以和平天下然捍境蔽鄰不

涸得賦亦足濟庸而塞根耳愚嘗襲跡門下受知特異敢次見聞以開史氏之聽

太原王公同州修堰記

浴自西北趣大河蓋同源於積石伏而乃發離而復合耳故其流皆渾而悍暴而難制然左輔土田賴之爲膏壤堰雖勞不可廢也而又振泥加厚水勢益抑去故治之治之勤日倍也大中末州南堰壞久不能復比歲旱蝗鬪畿尤困咸通五年太原王公自中書舍人出牧是邦思所以利人者無易於此乃省公用節私費儻徒賦役躬親率屬得健吏於班授以成規亦旣集事而中作雨甚川壑會流雷風蹴南而鼓之益肆狂噬雖有力者堅百仞之阜亘爲其防亦不能禦勢明矣必俟至誠克敷旁資感效耳公晨往河孺跪陳半醴旣而陰雲潰散功倍人悅翌日堰乃成水折而東皆若乾坤正氣集

卷四十

三

導而徙令巨里交賀合樂以迓之流聞京師中外以爲國慶時國家兵役屢興漕輓已絕故自淮汴至於河潼之交百敖皆刳人無所仰視之者雖已鼎食亦若銜餒而返農飢卒怠何以振其威力哉關中不涸之轍必本是堰公果成之以明大計雖旋亦決敗而功緒足遺後人矣七年秋愚自滿獲展贄見之禮出次近坵備得其事因著於篇

澤州靈泉院記

嚴飭祠宇非欲侈於自奉也蓋不崇不侈無以聳動羣品俾堅嚮善之心耳況帝夢可徵華緣已熟山川神祇罔不薦歎故自京邑以及遐裔勝槩相望皆奠厥居中條發於蒲趨於艮傑出而爲太行則天壇不得不冠蓋華嵩爭勦日觀也其北川壑會流盤鬱粹白高平西顧以至靈泉極矣泉之爲靈非惟利物亦當滋潤所及

不有毒螫也其院東向顯豁亘爲大川端門洞闢正與旭日相近
豈梵書所謂震旦者此其證哉且有爲無爲於我不礙弛之則若
洞其中用之則必滂其外皆克固其源乃能動而必濟也今禪宿
洪密長老俗姓劉氏本儒家子早詣石霜契其大旨煩而不撓簡
而必周初自清涼厯覽至是山乃創林栖之所遇太尉李公駐軍
高平首資葺構遠近道俗莫不歸嚮今蒲芮隴西左揆常因題紀
亦備贊揚則密公之道益光矣凡製經樓齋堂共一百餘間又塑
羅漢潔刻之相以漸化服而後日集方丈敷演上乘自江漢北渡
以至魏晉之交其俗堅悍難誘今則悉爲佛人矣且善教童孺者
雖指摘其書而必以言反覆曉諭當自釋然若典教積於前答撻
駭於側彼將竄匿之不暇詎肯說而從命哉律刑書也經誥誓也
禪乃誘勸之宗先馴其性而後入人者耳故其道至隱其功至博

乾坤正氣集

卷四十

西

不可廢也常念畜役之外以逮傭隸雖參養至豐莫不苦於受制
殊不知羈軼之勞或能避免而方寸之內不形不聲牙孽牢萌詭
其力者愈不能爭以此淪陷死生之域綿劫不能自脫其苦何如
哉噫苟非三世之尊夷山斡海六祖親授振其鉗鉢長老繼作磨
昏抉瞶則彼鬻膏鏤而勇於自浴者雖糜爛其身猶未悔也今乃
聚其徒侈其居永爲一檀施之會且俾其福慧皆殖然則密公之
積焉可抑沒哉耐辱居士病且死不忍其門人慧依慧海之勤請
也直紀所行惟以漏略爲愧云天祐二年歲次乙丑七月望日記

司空表聖集卷二

唐司空圖著

涇縣潘錫恩校

華夷圖記

辨於微而能制之者勢也審乎要而能備之者險也勢所以決用奇之智險所以濟經久之謀雖英豪復生亦毋以易此論也愚中外家世究天人之際而不肖者更闕文自喜不能屈己以救時他日雖苟行亦不可屈己失之機矣苟危極而變當寄之後生者耳煨燼所殘尙存賈僕射耽方域之志披圖校驗成敗可知以是懇懇未能默己千載之下必有知吾言不昧者司空氏寮鶴亭記

移雨神

夏滿不雨民前後走神所割羊豕而跪乞者凡三而後得請民大喜且將報祀愚獨以爲惑何者天以神乳育百苗穀必時旣豐然

乾坤正氣集

卷四十一

一

後民相率以勞神之勤於是而祀焉今始恡其施以愁疲民是神怠天之職也必希民之求而遂應是神玩天之權也旣應而俾民輸怨於天歸惠於己是神攘天之德也推怨何以爲義利腥羶之饋何以爲仁怠天下之事何以爲敬蔑是數者何以爲神假日非吾所得顯然知民之情而不時請於是亦徒偶於位此愚所以惑也噫天不可終謾民不可久侮竊爲神危之奈何

障車文

自古事冠人偷世綿鳳紀庭列鼎鐘家傳踐履江左雄張山東闢視王則七世侍中楊則四人太尉雖榮開國承家未若因官命氏兒郎偉哉使王炳靈標秀應瑞生賢虬騰照麻鵬運摩天雕彩泣甘綴齒牙而含咀顛龍倒鳳榮肺腑而盤旋千般事豈勞借筭萬里程可在著鞭不學呂望竿頭釣他將相不作李膺船子詐道神

仙夫人班瀝潑發金縷延長令儀淑德玉秀蘭芳軒冕則不饒沂水官婚則別是晉陽兩家好合千載輝光兒郎偉且子細思量內外端相事事相親頭頭相當某甲郎不誇才韻小娘子何暇調粧甚福德也甚康強也二女則牙牙學語五男則鴈鴈成行自然繡畫總解文章叔手子已爲卿相敲門來盡是丞郎榮連九族更千箱見卻你兒女婚嫁特地顯慶高堂兒郎偉童童遂願一一誇張且看拋賞心不尋常簾下度閒繡闥帷中踴上牙牀珍織煥爛龍麝馨香金銀器撤來兩點綺羅堆高並坊牆音樂嘈噴燈燭熒煌滿盤羅餽大榼酒漿兒郎偉總擔將歸去教你喜氣揚揚更扣頭神佛擁護門戶吉昌要夫人娘子賢和會事安存取個國家可畏忠良

觀音懺文

乾坤正氣集

卷四十一

二

伏以聖感至誠祥符吉夢久期瞻仰輒用莊嚴上以報罔極之恩下以遂平生之願亦冀仁滋庶類福必旁臻且自叨竊一名曉夕三省慮增隱匿有負深知以此歸心誠無愧色必也行欺暗室業墮分陰飾偽沽名伏機稔惡於家則崎嶇自奉忍骨肉之飢寒於國則苟且求容啄生靈之膏血是乃神惟必照鬼得而誅敢將有孽之身曲累無私之照至若見持蹇分將觸禍機或不幸以逢尤或求全而受毀卽常希擁佑必保孤危況積疹初平殊恩有自置齋生日用表成功所期劫盡微塵不竭依投之懇慶流末裔共成香火之緣粗寫丹誠仰迴元鑒

十會齋文

夫萬殊苦惱神慈普救於幽冥十會區分王道同歸於平等當嚴觭求哀之地是唵喞就涸之時闕夷路於前程過勝波於滯鼎欲

使天人共感存沒均休乃此日設齋之意也況屬豐穰方登仁壽
宜屬大衆共締良因無緣則三道寶階如登劍樹有願則十方淨
域便越塵區今則妙供已陳散花乍雨維摩赴會捧瑞露以同沾
羅漢飛空曳危峯而亦至齋衆某等或轅門上列或金穴豪家將
縱則驥子超羣命侶則龐眉狎至軒車競路士女傾城法鼓雷碩
震泉扃而動輪天香馥烈擁日氣以盤空於是跪捧寶鑪連枝玉
軸冀將功德奉事莊嚴伏願諸王及五道六曹眞官永作尊神益
匡善道使幽冥共仰靈蠢知歸緝繒不讓於樂輪齊潔復申於衆
懇諸曹並受羣品旁沾伏覲過去尊靈見存家眷皆憑護念免怖
沉淪恃王心而若恃私心觀地府而如觀天府必致清涼山上逢
異鳥而先告吉祥黑暗空間遇神光而別迴照燭雖營魂遊岱去
住無常而苦海登舟寃樂共濟生生隨願免在殊鄉處處安居便
乾坤正氣集

卷四十一

三

同極樂凡間誦梵遠脫羈愁用顯含靈咸蘇密網

爲東都敬愛寺講律僧惠確化募雕刻律疏

竊以化化無窮遞成遷染孜孜不倦方導沉淪啟祕藏而演毗尼
熏戒香以消煩惱風波未息橫智鷁而難超繩墨可遵制心猿而
有漸豈容穿鑿但致紛拏雖設論於三乘同歸覺路蓋防微於羣
品共稟成規汎洒六塵攝持萬行寧俟空林冥坐方爲解脫之門
令必大地周遊皆詣清涼之境益能仁之警策也今者以日光舊
疏龍象宏持京寺盛筵天人信受迷後學競扇異端自洛城罔遇
時交乃楚印本漸虞散失欲更雕鏤惠確無愧專精願嘗講授遠
欽信士誓給良緣所希龜鏡益昭津梁靡絕再定不刊之典永資
善誘之方必期字字鐫銘種慧良而不竭生生親眷遇勝會而同
聞敢欺福報之微願允標題之請謹疏

迎修十會齋文

非才非聖過泰過榮一舉高第兩朝美官遭亂離而脫禍歸鄉里而獲安門戶粗成簪纓免絕四十八年己往未省歸心百千萬劫常來豈迷善道令終可保止絕何傷災疾所縈古今常理但雖勤懺悔未去羶腥大宜均罪於鼓刀小合誤傷於失手況蚊蚋之類屢有傷殘僕乘之勞時加箠楚或存或沒若重若輕並願各遂逍遙永祉寃結目前眷屬世世相逢身後林泉生生自適仰慈悲之宏誓成幽顯之勝因蠢動有情沾濡共泰

靈臺三官堂文

蓋聞元台秉粹真極設官貫日星而洞六幽攝品彙而尊三府雷鞭電抉未窮搜邊之威鬼伏神藏盡在指搗之列容光必照暗室難欺人倫知教義之宗天吏振綱條之目密宏善貸普濟羣生固

乾坤正氣集

卷四十一

四

宜上報君親下援戚屬橐千金而喜捨盡鑄尊儀傾百寶以裝成別崇祕殿共伸虔懇永締良緣使人面狗心不殘賢而害善銅頭鐵額自折角而摧牙免陷危機皆逢懿網況此觀地連名嶽境勝元都在歷覽而可知乃衆星之所集一池菡萏時時而雪裏生香五夜沉寥往往而峯前仙樂聞於舛蠻雅合歸依今則自屬時艱多嗟力罄壞簷不葺朽壁難朽蒙塵而廟貌全隳辭駁而天衣半褫莫能起敬但速退殃將希保佑之功合發修崇之誓倘使丹青克煥結構重新必憑香火之因永拔沉淪之苦幽明洞感罪疚咸祛家遊不死之鄉國慶無疆之祚烹妖斲魅免助虐於三蟲控鶴羈龍笑摧枯於一鹿別置金天之社長爲玉帝之神凡願列名庶同不朽

詩賦贊

知道非詩詩未爲奇研昏練爽憂魄淒肌神而不知知而難狀揮
之八垓卷之萬象河渾沆清放恣縱橫濤怒靈蹴掀鼇倒鯨鑿空
擢壁琤冰擲戟鼓煦呵春霞溶露滴鄰女有嬉補袖而舞色絲屢
空續以麻約鼠革丁丁炊之則穴蟻聚汲汲積而成垤上有日星
下有風雅歷詁一作自是非吾心也

三賢贊 并序

隋大業間房公李公魏公同師文中子嘗謂其徒曰元齡也志而
密靖也惠而斷微也直而遂俾其遭時致力必濟謨庸厥後果然
宜有贊激云

三賢志同夙尙儒風以值公忠出遇太宗諷議從容謀蹶羣雄君
勞臣惕荒夷阻闢百千年社稷

觀音贊 證因亭并序

乾坤正氣集 卷四十一

五

萬仞峩山之險爭竦禍梯一坑浮世之塵長遮覺路騁雲漢而貪
味臨鼎鑊以求哀當種善緣方希慈極某早堅信受頻致感通夢
則可徵足見未萌之誠行而必稟冀無入晨之虞用建虔誠永貽
來裔贊云

惟仁之尤警於昭幽將政而阻將軌而遊忤者以寵呻者以謳岳
并冥冥證因斯休

李翰林寫眞贊

水渾而冰其中莫瑩氣澄而幽萬象一鏡躍然炯然傲睨浮雲仰
公之格稱公之文

今相國地藏贊 并序

南陽公夫人彭城郡君憂紀旣祥追奉皇考吏部公繡地藏菩薩
一軀瞿慕威容力成至願圖於大人爲內兄得請而贊云

二界同倫六幽莫際聖有佛緣極之無滯相不可觀理不可窮人
有虔懇感之則通孝實女師工惟婦德成茲妙絕申報罔極

香巖長老贊

言不可無也然爲師之說者豈佐競而主勝乎且儒之書曰率性
之謂道老之書曰各歸其根而禪首之東親挾人視聽至而又至
者道與本俱忘哉且忘則塵滓孰從而滯耶或者假言而爲論以
妄釣眞彼或泥於境而滯其機是人魚莫能自辨矣大師之旨吾
久得之學者旣難遠息必以其言爲狂藥誰之咎乎彼巧則病彼
愚則競覺之愈妄矯之非正不雲而雷龍何施哉不鼓而無人何
爲哉匪豫孰道匪羈孰釋一塵不飄見大師力

兵部恩門王貞公贊

發粹而文蘊和而秀德無不尊名無不壽內專外濟氣厚神全貞
乾坤正氣集

卷四十一

六

公在此千載聳然

相國老君贊

道尊教主帝系仙源牢籠天壤施掌義軒施於孝孫克隆聖祥分
祐攸宜忠賢是保

秦坑銘

秦術戾儒厥民斯酷秦儒旣坑厥祀隨覆天復儒讐儒絕而家秦
坑儒邪儒坑秦邪

仙巖銘

巖之巔森戟鑊天中宅靈仙巖之瀑風幹洞壑地涌山鑿越之裔
甌之隅人逸而腴某其師某其牧寺圯而復

辯楚刑

楚謂獻璞者欺我乃連別之酷哉曰彼獨鑿之不勝耳然其嗜寶

之心皆達於下子故連別之無怨玉亦卒受於楚國嗟乎國之嗜賢宜急於楚之嗜寶也必嗜心則上心達於天下則負材求進者雖黜於見疑亦未爲怨必有釋其疑者則其卒用於世也可幾矣不猶愈於易其知而嫉其進者耶嗟乎刑與辱上之所以肆於下也楚無嗜寶之心下豈受刑上無嗜賢之實士豈受辱必待誠而絕愧哉

說鵝

鵝雖同類有巧拙之目里人構其寢始就而拙者遽巢其間巧者既至必搏而逐之俾之他室雖童稚亦以爲恨里人不能決其去留者蓋辯之不早辯耳噫彼之所工豈能自固其室已或爲拙者所逐沮人尙惜之然則賢不肖之取舍其利害於天下何如耳治亂之兆孰易於此乃繫於所擇先後耳可不惜哉可不戒哉

乾坤正氣集

卷四十一

七

說魚

蒲之東七十里山秀而瘠故其水迅激不能蓄蓄介之族著於方志焉王城谷司空氏曰禎貽谿其岩瀑尤爲峭束愚嘗派著於庭欲資澗沔之翫或致於他所亦不更夕輒暴去前年捧詔西上復移疾華下則鄰之佛者遽至言石竇泉隤魚皆充物愚熟念竟不能究其說而佛者謂吾久於是溪雖才齋而命弛然撫其愛育之心足以達其物類蓋斯魚之產是欲信吾心於方將耳而愚尙以爲愧也且以爲羈涉歲而後魚集於故山泉彼能達吾之心宅幽而遠害是有物致之且惑愚之妄進姑欲全吾道而退保安耳敢不自警也哉

戒均諷

臣聞元胎疑象標器府以飛芒曜魄諸神閱環天而肆會瑤山激

響流妙靡於踰鸞嶰谷搜奇寫玲瓏於嬉鳳叶六氣則生植必茂
文八音則錦繡相宣旣象物而省風迺昭功而示德周旋盡美鼂
益隨時清廟嚴禋肅和鳴而侑響紫壇殷薦受繁祉以貽休備緝
化之元機契窈神之妙用故以感動天貺紀綱人倫蕩迅羽而落
丹青帖驚波以澄紺海誘歸昌於瓊樹一變標祥導舞佾於瑤堦
三苗罷禘揄揚盛業粉飾元猷足使鶴列呈妍騁飛容而合緒龍
蹲喪味超浩歎以違齊而大樸久雕迷風益扇浮音薄思雅曲沉
英要平靡漫之娛競媢媚之奏金華翠羽逾備飾於充庭去鴈
吹蓬已無資於易俗紛葩莫辨流僻萌生司成廢齒胄之文端委
昧防民之制雉門災起誰懲燕女之荒鳳德日衰無救關雎之亂
頽波競爽詭趣繁興呶注狂會於四夷叛行扇和於六器瓊樓月
榭爭漂亡國之音柳翠花紅似惹迷魂之態況乃高臺騁望團扇
乾坤正氣集卷四十一

八

傷秋少年狹路之期落日哀蟬之感行人贈恨折揚柳以徘徊隴
水分流度關山而幽咽芳樹裊相思之意卷衣追舊寵之權烏啼
則興詠於遲遲子夜則如憐於脈脈漢殿之雲娥一去柘館銷魂
淮王之仙馭不歸小山畱唱鷓鴣雜輟曉碣石申壯士之悲寶鏐雄
鳴獨祿詠分天之憤鴛鴦締思蛺蝶櫻情襄陽之濃豔驚神鄴下
之無愁忘返江天浩麗香春思於龍舟綺閣驕頻媿仙姿於玉樹
莫不旁羅綴賞分被謳謠芳情盡寄於絃心巧變逾新於濮上悟
晉臣之竊視其乃衰乎微單子之格言將焉用也復有南鄰宴衍
北里追隨繡軸爭奔蘭堂洞敞闕輕盈而入玩逞夷冶以乘春名
編協律之籍妙軼總章之觀元雲起唱絳樹分行法嬰之暫賞人
間淨婉之會誇掌上翠娥低歛儷畫扇而初疑鳳翼旋披躡染香
而不印綠蘿山畔徒有傳名金谷樓中猶應掩嫋輕埃漸弭泛空

碧之橫雲曳緒黎收失凌波之迴雪旣而麟齕罷饗龍轡傾夕媛
紅豔於金擎灑蘭英於琥珀瑤釵遞約粉鏡齊勻炫華藻之新裝
捧重霄之寶器淒鏘鏘縹緲輕颺漸拂於花叢鴛鴦和鳴上客潛驚
於煙墜雕筵讓促玉笋橫飛墮珥醜顏牽裾屢舞賡霏彩筆遞申
燕婉之情月曉蓮塘更亂雜人之唱必使傾權買笑帳歸路於太
行失意沉情憐霜鋒於使容且秦圖啟霸先輸嬋媛之工楚劍宜
銛寧謝優倡之拙龜山遠蔽迷津則元類吹毛魚藻陳規式寔則
唯思在鎬繁華託好淪誤忘歸盛德何觀雅風洞喪愉心炫目俱
謀越禮之譏異軫分流彌會相注之旨猶是史遷銜涕憤沉湎於
哀周荀勗披丹願儀形於治古迺曰陛下含微握契映調露之微
蹤馭道斯元演咸池之積潤雙龍肅駕爰欽九辯之神八鳳迎祥
再襲五英之薦非煙毓媚應玉燭以登詔皓質依仁樂神扃而暢
乾坤正氣集

卷四十一

九

律雖循機之思必無謝於繼韶而制俗之規猶未先於放鄭夫南
薰北鄙禍福相濡感物窮微典亡是繫繁聲罷奏建武之貞範斯
存妖玩無容太初之芳塵可拒得不翹襟酌訓經慮防香指璇璣
養命之符受帝女昭華之瑄探靈測化但累黍而無差思古妍幽
將一夔而可任懸衡睿旨合契乾心追六代之英華汰百王之蕩
滌豈容蘇夔席勢膠獨見以邀能高筆憑豪抑羣儒而徇己變唯
尙質貴在揚清動以敷愉綽之仁義非簡節繁文之制不用於明
庭非崇嚴煦育之姿不傳於委巷使午刀學制必箋武邑之猷鷺
羽將持敢懼宛邱之刺然後返歌鸞於海嶠維舞驥於璜臺魚龍
息曼衍之陳鞅譯沮兜離之獻掖庭絃吹先罷賞於材人司隸糾
繩次申嚴於權右儻蓮舟帝子獨貽招隱之詩綺殿台臣別奏登
封之頌酒唯洽禮遠無縱於流連樂則緣情但取優於名教俾春

濃上苑空凝桃李之情月滿西園寂寞芙蓉之豔式敷圍範交暢
人情澄積樂於一時靡清風於四表豈復平西長史薦淑麗以希
恩司律中郎恣哇咬而被寵則必三雍八佾休僭濫於豪門春誦
夏絃服祇庸於胄子自然調元演慶開瑞應而貫氤氳駕俗遺華
撫鴻鈞而明揖讓臣業慙待扣恩謝識微鹿鳴傳錦里之謠象舞
闕青衿之致孤桐韜響唯均雨露之濡泗石含清未冠雲韶之節
編蓬反素善擊壤以忘機汗簡潛心警奪朱而發憤實願希風正
始擬制旋宮緬推傷化之源克裕閑邪之範訪微猷於顯慶酌茂
實於開元坐鎮澆訛式清緇蠹是用撤書疎志慕高允之貞規企
日裁成繼翁卿之讜議春臺自煦舞希金奏之和下曲難投猶阻
鈞天之薦諭錦屏而託諷徒欲輸忠仰魏闕以兢魂翻同濫竊

議華夷

乾坤正氣集

卷四十一

十

議天下之大勢者滯而拘古必曰固於德剛而簡謀必曰弭於威
是皆不足扼阨危之機也必濟德於謀濟謀於險庶幾可以壽宗
社之數矣前古迂儒瞶耳援據滋惑不能中今之急病而近朝有
心於經制者杜司徒之治道李安邑之地志元中書之安邊不謂
不馳騁於古今成敗之數也唯賈僕射耽并包華夷綿絡山川披
圖摘要繁而不瘠可謂勤而至精者也雖然量力救時當置遠荒
於度外國史事有追惜而不可形於紀述者或關防戰而不守或
控制議而不行或食廩棄而不保利害之効可見於斯愚是以玩
而不厭也雖失之已久得不慮哉

將儒

儒以將道肥其內也武以將威肅其外也未有內自瘠而外能勸
者焉嗟乎古之用儒其所寄誠重矣儒之將道必欲張其治也獨

將之不足侈其道故分己之任以寄於人亦猶資泉力以夷大路
綽綽然其甚闕也如有用於時者天下不幾於治哉嗟乎後之爲
儒其力寢羸矣簡固以自持審默而多一知所以任之於己不知
所以任之於人而責之故雖用於時道亦削然不喻將儒之權耳
且古之言兵必本之仁義反是則一決之勇未足爲武一智之謀
足以奪其機矧兼吾道以制於未萌哉嗟乎道之不可振也久矣
儒失其柄武玩其威吾道益孤勢果易凌於物削之又削以至於
庸妄於武可也必將反是請先將儒

天用

材軼而鷲捷者不待賦而後食蓋濟己之納得以自任也龍雖善
致風雲然必有所稟而後能施其澤吾知其不能自神矣苟專其
用而汲汲於濟物亦將救禍之不給雖川后岳靈孰敢撓其所守
乾坤正氣集卷四十一
士

濟物博

釋怨

殉華公子口誇世豪舉綺紈相遇意氣相許貞茂松心賞微琴緒
驥驟齊驅鸞鸞並翥誓風雨而不迷期始終之可保旣而睚眦有
違寒暄遂移雙情已忤久約方虧遽讓蠅翼交妬娥眉將搖牙而
構禍寧棄跡以懷悲於是振俗先生聞而諭曰夫性溫澆漓道方
廉恥勢軋則仇名浮則忌仁以利搖情由色醉釁積攜貳其來有
自謂金石而中渝惟鸚猩之可愧願窒隙以雕譚庶追歡而寵誼
借如標奇炫世角立爭英雄架橫天之譽高峻冠古之名味寒華
而喪實紛飾智以相傾而木以秀摧鐸由貝敗主能則驕伐勝必
殆豈溢美而是競忘撝謙而自愛至乃重侯盛族六貴豪門贊據

榮路虹申要津光鑠天地勢驅風雲指顧而傾義迴馭噓歛而窮
律驚春而盈爽交分盛衰翻復惜喜室之方開競駭機之潛觸將
挾炭以爭奔悼傾舟之已覆況若越溪佳麗楚破神仙擬織弄冷
挑裏嬾媚利臉波豔彎娥月殘妒芳紅之笑白歎翹翠之嬉蘭而
物尤則妖美極則麗二國媿亡六宗姬替或滯愛以罹刑亦寵迷
而速繫必昌色以崇仇是危家而速戾則有邪龜畢萃環貨兼儲
庭羅董璧室翫量珠吏方譏於賄死客有論於錢愚而侈必貽殃
聚惟延寇鑠金遠探毀玉猶鬪輕壅利以焚身斯據國而殞首嗟
四者之是嬰詢五交之可疚且夫電波悠悠人生若浮一瞬朝暮
百年今古雖復角勢圖王鯨吞虎步益世稜威排山逞怒壯氣俄
摧雄謀倏阻淚空掩於牛山椎已登於驪阜天遂妍蚩如此同期
芝華莫咀松子誰追鐘鳴漏盡樂往哀隨花宮綺閣之觀蕭條夷
黃坤正氣集 卷四十一

漫清哇豔舞之姬月墮雲飛潛衰暗鑠憶恨千悲是以至人達觀
物我俱遺混休戚忘健羨孰壽孰夭孰榮孰賤大笑幾何虛舟無
怨豈蹄涔之不生類蠅角之徒戮用招三疊之端期塞兩家之難
時也二子魂慙色禿踟聽玉音袂蒙爽曙雪涕濡襟明坦夷於末
路挾帶芥於情心願伸縷款永佩良箴

題東漢傳後

儒衣而武弁也人望而畏之是威其德也必有操戈待之者矣君
子救時雖切亦必相時度力以致其用不可則靜而鎮之以道訓
服苟厲鋒氣果於擊搏道不能化力不能制是將濟時重因改元
禮之徒終致鈞黨之禍至於張儉又不能引決區區之身雖殘壞
天下何裨於吾道哉陳太邱之容衆郭有道之誘人其意未嘗沮
物而彼亦不厚其毒利害可見矣且猛摯不革其暴麟不足以爲

仁也惡鳥不息其鳴鳳不足以爲瑞也況彼二三子甘逞於權豪
叟叟以至大亂惟據正而能屈己者庶可與權

乾坤正氣集

卷四十一

三

司空表聖集卷二

唐司空圖著

涇縣潘錫恩校

疑經

經曰天王使來求金又曰求車豈天子之使私有求於魯耶不然傳聞之誤耳若諸侯之使來求金則謂求可矣若致天子之命徵於諸侯其可謂之求耶且率土之人與其貨殖皆一人之所有父之財守於其子則用否莫不恭命其可謂之求乎春秋之旨尊君卑臣豈聖人爲魯不爲周耶書云天王狩於河陽尙爲晉侯諱召天子豈可不爲周諱其過哉縱天子制用失節多求於諸侯而欲垂誠卽書於周史可矣若書於諸侯之史是悞惜其貨而侮王命也王祭亦不供矣必非聖人之文也必若王人責其稽命曷不書曰天王使某賁貢金儻以取金爲不文曷不曰天王使某來徵貢乾坤正氣集卷四十二

疑經後述

愚爲詩爲文一也所務得諸己而已未嘗摭拾前賢之謬誤然爲儒證道又不可皆無也嘗得柳子厚封建論以爲三王樹置蓋勢使之然又有是萇宏之辨意其多於救時今夏縣穀卻自淮南緘所著新文而至愚雅以孫文不尙辭待之頗易及見其卜年論又聳然加敬鍾陵秀士陳用拙出其宗人嶽所作春秋折衷論數十篇瞻博精緻足以下視兩漢迂儒矣因激剛腸有詆經之說亦疑經文誤耳蓋亟於時病言或不得其中亦欲鼓陳君之銳氣當有以復於我耳時光化中興二年

絕麟集述

駕在石門年秋八月愚自關畿竄浙上所著詩畧年首題於屋壁且入前集壬戌春復自擅山至此目敗疔作火土二曜叶力攻凌可知矣冒沒已多幸無大愧固非賈恨而有作也尙慮道魁釋酋見之慊然於我者蓋自此集雜言實病於負氣亦猶小星將墜則芒熠驟作且有聲曳其後而可駭者撐霆裂月挾之而共肆其憤固不能自戢耳今之云云況恃白首無復顧藉然後知賢英能客出肺肝以示千載亦常不免斯累豈遽咄咄耶知非子述

壽星集述

國史司馬先生舜歸朝中贈詩號爲白雲集余天祐乙丑歲八月五日過僧閣云昨夜嘉祥西閣望老人星見爲時明十四日朝參其日大河南府奏老人星見因以壽星目

乾坤正氣集

卷四十一

二

羣公之作云云

自昔貞期不爽逸軌難畱堯天大而必容豈獨追往漢道亨而必至終亦超然未足濟時且資激俗宜經商略乃稱搜揚若某者孤立多虞衰年謝病因耕巖而自給非欲販山知在木而無堪便當爲社莫敢張皇邱壑擬議巢由且自詔求賢多因肆肯蓋乘運泰莫顧才難今上詰御臨元勲振服英袞贊翹勤之旨幽人荷旌賁之恩雖云例追亦謂優禮而已伸拜闕况卑懸車冀修知難之規免冒嚙榮之誚昔江表則賦詩而褒孔令漢廷則出餞而寵疏翁特振孤芳實標勝事今也龍門迴望鶴蓋交馳落日琴尊前朝圖畫想家山之醉石認客處之漁舟白首歸心黃花綠路來時不下漂零海上之鷗去兮自憐放曠人間之世斯乃僅能忘怨庶可息機敢慕高風猥煩衆作詩家此會誰邀清夜之遊仙裝不回別有

白雲之集徒攀逸唱益愧餒才

擢英集述

名利之機古今相軋混惟一致宏則兩忘或高視于談天或雄張于擊水捨麟作鳳孰降等夷捐璧握珠自能輝映遇則以身行道窮則見志于言各擅英靈寧甘頓挫自昭明妙選振起斯文榮雖著于方將恨皆纏于既往當西施之翫鏡不賞娥眉豈伯樂之停車空收駿骨乃使盛時才子翻銜泣玉之冤異代沉魂祇擲溼雲之譽九原誰詫千載徒懸思格前規用伸來者至若金犀照灼綺追攀裕之則管樂通期峻之則彭韓絕倒人人驥路雲臺之此日豪華處處鸞叢仙館則當時寥落各銘鐘鼎競煥緹油恥發譽于雕蟲肯爭英于墨客世上之九霄梯級縱阻爭先機中之五色烟霞無妨倍價知音嘿已作者誰尤思慰窮津用徵逸藻想其黎

乾坤正氣集

卷四十一

三

黃洞奏錦繡畢陳涵經天緯地之源胸襟萬象驕暗月吟風之態嵩華一毫固當觸興牢籠忘情帶芥況牙絃入契郢握稱珍欣傳賞奏之徵免茹投光之歎固已翹心不朽撫掌浮雲操奇而角富驪泉炫采而誇勅魚域夫著言紀事在演致于全篇賦象緣情或標工于偶句雖豹文必備方成隱霧之姿而翠羽已零猶稱淩波之玩誠欲兼搜于筆海亦當間掇于蘭叢人不陋今才惟振滯韻笙簧于騷雅資粉澤于風流事竊推公益止交游之內僭將罪我益知褻採之難題以擢英庶能聳聽有唐儀曹外吏司空圖

注愍征賦述

夫垂象著文炳靈叶爽擅流宗于筆海則時仰龜龍駭拔藻于天庭則國資雲雨至若金羈角勢錦字爭妍兼吞漢魏之雄迴跨風騷之域宏材獨振何代無奇愍征則會昌中進士盧獻卿著明所

作華胄間生冠五百年高視靈璣在握照十二乘非珍馭縱壑以
濤驚竦驅掩而電軼懇超言象特映古今而如阻揚娥妖輕笑鳳
惜年華之易晚嗟桂魄之憊期舊國蟬催榮盈別怨芳時鴈度浩
蕩羈愁想去郢以抽毫悵征秦而寓旨鏘洋在聽梗槩可陳觀其
才情之旖旎也有若霞陣疊鮮金縷晴天鴛塘匣碧天容曙拆濃
艷思芳瓊樓託粧煙霏晚媚鮫鮪拂翠其雅調之清越也有若縹
緲鸞鴻翩翩媚空瑤簧淒戾羽磬玲瓏幽人嘯月雜佩敲風其適
逸之壯麗也則若雲鵬迴舉勢陷天宇鰲拚滄溟蓬瀛倒舞百戰
交鋒雄稜一鼓其富詞之哀怨也復若血凝蜀魄猿斷巫峯咽水
警夜冤鬱靄空日魂滲淡鬼哭荒叢其變態之無窮也則若月弔
邊秋旅恨悠悠湘南地古清輝處處花映秦人玉洞扁春澄流練
直淼然自極斯蓋緣情紛狀觸興冥搜迴景物之盛衰制人臣之
乾坤正氣集

卷四十二

四

哀樂窮微盡美

闕

古排今自體變江南氣凌鄴下莫分工拙詎可

抑揚競耘寂以搜奇則恩榮飛動徒牽庸而綴學則格滯沈埋唯
彼邀能是稱入巧泛鋪輕綺弄縱

闕

雅律之未裁八音叶暢類非

煙之不染五色相鮮

闕

絕于長華淮芳鎮留于千古况愚通家著

分總角忘年衆中則韻仰神仙席上則價饒鸚鵡破琴傷逝無復

知音夢筆摘祥頻驚借彩佇談交之可作歎寶鏹之徒懸猶幸斯

文備存遺跡

闕

符增感涕下何從昔兩漢辨騷方聞注釋三都待

引卽扣賢豪寄測妙以騰褒屬當仁于命世豈伊孤陋合遠討論

將研旨遠之機已盡汲深之力附修名而不朽量瓌慧以多慙粗

折指歸難酬顧遇銜微明于合璧敢議爭英洞節奏于璇宮竊期

攀嚮

注愍征賦後述

武宣之間籍顯地者雖無如梁韓數公以雅實自任而能振拔後
進然士大夫宴遊之倦猶或時道文學以飲助執事者而盧君尙
以攬擯致憤於累千百言亦猶虎之餌毒蛟之飲鏃其作也雖震
邱林鼓溟漲不能決其咆怒之氣且科爵之設是多得於彼而少
喪於此侈其虛而歎其實彼或充然自喜而又以拱默相持曾不
知日月沒於晷刻之間蠅翔而螢腐耳然則著明幸於弃默而能
以愍征爭勅於千載之下吾知彼之作者有嘔血不能逮之者矣
其所得何如於彼哉且上至聖哲下至豪特之士得於文學者多
矣豈以一靈運之狂而可沮辱天下之奇偉哉況面牆而悖謬者
何翅於此耶愚前所述雖已恣道其道壯悽豔矣而終不能掩其方
外之致以是擲筆狂叫寄之他生又嘗著濯纓引以雪詞人之憤
其旨亦屬於盧君且凡稟精爽之氣是或有智謀超出羣輩一旦
乾坤正氣集

卷四十一

五

連珠

蓋聞變可揣機明難辨勢金石之懸已叩孰謂識微風雲之候未
形罕知能制是以連兵百萬雖稱蓋代之雄間道三千誰悟入神
之義

蓋聞中和所賦植性自馴孰爲之而曰鳳孰爲之而曰麟翔必以
時肯爭名而作怪動惟中矩寧受嗾以噬人

蓋聞濟世者材存神者道各繫遭逢之運並著抑揚之效是以英
豪未生虛傾市駿之金文雅已衰徒有游仙之棹苟慙白首而待
聘不若滄洲而寄傲

蓋聞達識難窺神明有朕或推之而猶拒或仰之而必進是以鈞

川鈞國入兆則亨從虎從龍乘時自振

蓋聞忠可制權則誠能洞感謀推體正則生濟奇功是以輔星連耀於將星則妖星自殞天陣克和於人陣則厚陣皆空

蓋聞識資匡愆智必寵愚苟貪榮而入險雖結黨而自孤是以川上不歸皆顧羨魚之網林間已碎難追彈雀之珠

蓋聞愧於心者或毀人而掩謗足於己者必獎善而推公是以炫飾求容不悅端居之操優游待聘乃宏交讓之風

蓋聞霽日纔昇於拂曙則蟻穴自開澄川或激於驚波則龍舟莫進何則明於誠而物皆競勸制于彼而我難示信是以至誠未著見非感而不通橫俗無猜知有孚而必順

蓋聞神河礪岳之盟雖酬戮力翼子貽孫之祚本自推心是以陰德常施忘報而或能濟患危機潛□希時而無救禍滌

乾坤正氣集

卷四十一

六

蓋聞角立爭雄必中乾而自殆乘權逞怨或遁喪而無歸將射麇而發弩是忿風而焚衣所以傲吏格言先忘情於物我能仁妙旨當遣滯於是非

文中子碑

道制治之大器也儒守其器者耳故聖哲之生受任於天不可斷之以就其時仲尼不用於戰國致其道於孟荀而傳焉得於漢成四百之祚五胡繼亂極於周齊天其或者生文中子以致聖人之用得衆賢而廊之以俟我唐亦天命也故房衛數公皆爲其徒恢文武之道以濟貞觀治平之盛今三百年矣宜其碑

聖恢之柄授必有施臣底之績濟亦厥時子惟善守賦而不私克輔於我貞觀休明之期

解縣新城碑

奉勅撰

夫披圖著象卽亘長垣裂壤莫居必局峻閭雖四鄰之可恃在百
雉之難窺然而事有弛張得時而後顯功無巨細得人而後施今
見之於解城矣我皇帝之御宇也累聖勤求登賢致乂鑿乾締構
允歸睿作之功壽國陶融必有挺生之佐式扶昌運對越上元皇
帝體睿哲之機延統和之祚高視無外旁羅不遺洪水安瀾格茲
穹壤明廷委瑞分映古今肅清廟之威靈竭大臣之忠力雖鍾災
會益振英圖係在知人念茲活國內則臯夔叶贊外則方名專征
克著廟謨且貞師律其有兼膺注意宜屬宏材正柱石于洪基感
風雲於冥數蓋祥發神授佑我昌期斯人見之於蒲帥司徒王公
矣西爽炳靈中條會秀致用則牢籠三傑圖功則擬議一匡受寄
股肱僉諧夢卜遇帝車出狩天邑纏兵鄧禹則封拜關中方之未
重寇約則撫綏河內此豈艱輟外師之稔謀導鄰藩之叶舉于
乾坤正氣集

卷四十一

七

是使星遠降詔命始通瞻日月而惟新覺山河之自固人祇洞感
軍旅益雄但旣逼寇仇且當津要車徒遲至竟赴齊盟戎夏駿驅
共匡京室慮風迴于原燎竭日費于雲屯韜睦允諧克瞻棟闕持
廣厦鼎鎮厚坤始以一城之危抗移國之盜竟以數郡之力壯勤
王之師勲復舊都慶延殊渥盛矣哉傳曰德刑具舉武之經也農
戰交修政之本也總是數者方爲全美此府自大厯貞元之隆郭
公渾公繼臨雖博厚粹和本朝實賴而儉德異政舊史闕然公洞
識古今兼資文武宏以濟物而恕必探情明以照奸而殺惟制亂
人皆知恥道不拾遺視禮法之率由信恩威之並濟猶以爲備則
無患志在格言安則懷生命于善教是資蔽惡有待必攻晉人之
固護河南齊將之經營汾北雖謀非善守難嬰戰角之晨而利有
必爭宜保馬頭之險由是公之初蒞鎮也卽以此地北綿汾晉西

逼界秦造隴而雖貫復關壓境而匪憑高壘時當無事則雞犬混
并運屬有戎則豺狼密邇浮嬰或渡縈帶是虞遂朔新規驟成堅
壘挾洪荒而作固屹斷岸以高臨事等振喉勢同捍首豈比平原
伐隴自標威寇之名斛律侵周別建定夷之號及城陷焉翊西面
益孤烽舉隴州北軍方至遷延未測偵謀相搖日有風傳士無人
色賴我關防夾峙津戍旁通杜兩岸之金湯堅衆心之鐵石共增
聲勢得以枝梧旣納款于帥臣仍撫安其新附交獲利濟並致成
功不然所恃長川亦當奪險矣而又以解因沃饒之潤置摧貨之
司官帑委輸商徒繁會雲連里閉山峙貲財絃歌詎稱于武城錦
繡慙誇于襄邑貫天錢而下積已應星文認寶氣而旁瞻非惟劍
氣所患者素無城守難固人心微有警于烟氛遽深藏于林鶴孰
懲誨盜克讓周防振古所遺非公莫集旣總兩河之務值多事之

乾坤正氣集

卷四十一

八

秋檢吏通商機能制用矯時阜俗儉以率先凡立科條皆能刻勵
五使雖優于兼俸一毫不濶于私家用給工徒遂與板築精擇主
將得張郁時官聚軍讐市搖物估欲因賦役亦以賑飢夫事貴研
深所以見于未兆人難慮始所以樂于視成初公密計地宜且稽
農隙裁其經緯授以規繩吏旣克勤期不憊素自中和二年冬十
月奏請興役至明年夏六月凡計工五十萬城高三丈周繞九里
一百六十步隄剗溶洫堞冠層樓外剗犄軍之營內修禦敵之具
觀其地縈壯址雲鬱平川擁形勢而增嚴屏要衝而莫犯歸師遠
跡忘自意于窺覩匝境罷局亦寧虞于奔竄其他緝飾悉叶機宜
公旋陟上台懇辭劇務咸欣庇賴益著詠誥遂乞飛章願刊殊績
以圖同庥樂土見託蕪詞權鹽使韋雍檢律在公巡官王慤琢磨
効用與植將及商人等聯狀同詣所居憑懇至于垂涕竊惟自古

恢揚盛業激贊宏圖朝則帶礪傳盟家則盤盂著誓必資麟筆共
振鯨鐘雖代積崢嶸而聲稜悠久滄溟鼇并日觀可危片石螭銜
雲臺永峙將貽終古實在斯文雅非振藻之工敢狗披丹之款權
鹽使崔贊温恭奉上感勵知催勘使王能遵妙簡宸衷喜成王事
並以磨礱已久結構仍崇靡知踟地之誠遽有聞天之請名微墨
客短才本謝于微能事僭詞臣牢讓豈申於恭命且禁暴曰治濟
衆曰仁以此視其爲誠足以知其爲政衆惟同仰暴莫可凌彼或
蔽捍邊荒繕修保障猶誇誇溢美顯示將來況數仞聳威近函陝右
一方增氣旁帶關河儲國用于無虞息人勞于永逸寵傳褒詔喜
動鄰封方屬沈縣難辭紀述與崇墉而並揭豈深谷之我遷式備
昭功靡慚撫實銘云

蒲乃國樞僉惟天作挾魏控秦佩河冠嶽蒲屏是雄勲賢是託孰
乾坤正氣集

卷四十一

九

膺帝俞克振王略上韜倚注元臣激揚干霄作鎮跨海爲梁令無
不肅謀無不臧擢彼新壘屹然巨防川廣可踰山高可輓曷以善
閉必資全策城隍增嚴晨驚夕惕利害斯親天懸壤隔解寶近鹽
貨則兼贏車喧咽軋戶侈連甕財雄擅響鼎食提衡三河競湊六
輔皆傾內貫通莊外無固圉易戒致戎書警納侮或駭一呼難施
九拒雖有棟榱誰庇風雨傳褒命日詩美維翰長空嶽簪厚地雲
蟠俸能兼濟衆得懷安聖衷乃眷茂跡宜刊兆叶人謀機先神授
虞於不虞守其必守峻亦不夷堅亦不朽唯此殊功翊之克久

復安南碑

臣聞天示武而太白不滅地育材而雄金自生高臨鑠苒李之妖
並用蓄干戈之銳雖域中治定元功載洽于人祇而闔外抗稜睿
略必當于弔伐是以荆蠻作戾周稱克捷之謀越貊稽誅漢用討

平之策馳雷霆而節怒義在勝殘命貔虎以濯征吾非樂戰皇上
之御宇也知幾作聖抱道凝神蕩千古而獨駕雄圖掩八紘而宏
開壽域撫百年之昌運數屬延洪欽下武之耿光德膺丕顯心貽
元極道契衝罇金椎震有截之威玉鏡洞無私之照蒸雲涵潤決
天闡以滂流擊壤登歌嬉春臺而自樂故得氤氳吐慶動植駢休
丹雘則寶露凝芳瑤闕則霏煙泛彩方欲停旒高視仰至道于華
胥輔瑞標虔著成功于日觀縣寓隸必封之俗窮荒輸稟朔之心
鳳樂方陳翺企競先于率舞鯨潭不讓潢污自絕于朝宗逝矣荒
陬蠢茲夷孽拒昆池而壘境縈瘴海以疏鄰舊穴前瞻地勢乃遙
分八角孱陵却阻星躔則下燭五溪競蠱毒于蜂宗扇梟音于鳥
俗項亦瞻雲薦祉幕重譯以朝周削衽移珍諷三章而頌漢金印
示殊藩之寵銀簪增服冕之榮方毓德以羈縻竟憑驕而背誕窺

乾坤正氣集

卷四十一

十

華飾僭吠喧榮瓠之鄉負險挺妖豐結沈黎之黨琅川大擾洞界
橫侵妖徒之勇氣于霄都護之窮兵竄谷千艘蹙浪蘭津之戍火
宵明萬里驚塵梅嶺之人煙畫斷舉旄何暇猶申扣馬之忠曳踵
誰觀莫救跼蹙之沴旣而城夷交阯累陷功門飛駟駟以聞天決
神機而起劍腐儒橫議詩罷守于珠崖賢相拔奇命啟行于黑水
於是鑿門受律仗鉞忘家宸衷輟盥食之憂壯士德橫行之志豈
獨英籌獨運猶咨平越之庸妙略遐宣乃逮伏波之號聲光載路
勢激疾雷下五嶺而震金鉦沿三江而飛鐵軸中權令峻按虎節
以風生上將策奇指龍編而天落賊將朱道古等傾巢奔命負固
偷安塞合蒲以連奇亘同勞而結祲雕題誓衆猶疑黑穴之神鑿
齒窮兇豈直青邱之暴尙以哲王濟治先德後刑大聖兢懷好生
惡殺韜戈制勝舞舜戚于兩階弭節昭宣縱湯仁之一面諭其歸

首濡以鴻私姑停斃獸之機顯誓輸龍之信守迷崇亂更宣蚊蚋
之羣觸禍乘危猶慕蛛蝥之網元戎然後抑揚英武嘯咤風雲援
旗而激憤衝星狗國而抽誠駕日幾神洞妙熊韜豹略之權舞電
威稜越騎燕犀之象于是營開鷲石陣壓糜冷前軍則浴鐵爭登
後拒則跳刀鼓勇宣聲駭宇怯鰲柱之傾維壞氣橫堤晦鴻雲之
寢耀我旅力振兇徒大崩動必冰摧疾如彗掃驚濤沓鼓喧厖而
獸檻爭奔烈焰掀天埃鬱而虹梁忽斷駭修鱗之決網軋累卵于
排山七擒攄必勝之能九變逞無前之銳伏尸百萬未窮追北之
師廓地三千豈獨安南之境始者以朝廷專征重寄騁績還方慮
切均勞謀當易帥軍符未契猶懷稔寇之慙詔命將臨俄有麾城
之捷遽收宸渙仍降優恩重委緝綏更恢經略傷夷盡復爰申借
寇之誠旅拒頻梟寧止登嘉之獻朱鷺再緝彩雉還嬰宣聖澤以

乾坤正氣集

卷四十一

十一

懷柔道和風而煦育誅榛薶梗肆望樂郊撲魅驅狸潛消沴氣農
商並勸食力兼儲軍雄而蹀駿嘶風劍禡而蟠蛟吼匣兇渠假息
屢驚喪膽之魂王旅騰裝更俟指期之舉投機扼險委勁待時幸
席卷之可乘永清丹徼匪鞭長之可及焉用石田昔下瀨徂征寧
踰象坂渡瀘掩紀纔息蛉川豈同指授長馳披攘右弔沃騰瀾于
燭火蕩危葉于衝颺利盡海隅聲稜蜀表中規克運振日捷于丹
冥吉語旋聞慶山呼于綺殿匪徒封離授首三十六之種落迎降
槃木歸仁六百萬之寶夷向化威懷益著典秩遽加茂績英姿別
贊畫麟之寵帶河礪嶽重申白馬之盟自將禮冠于朝倫豈特榮
高于策府盛矣哉且四夷華夏千古勞師折衝實在於謀謨委寄
惟艱于授受昔之命將繼得其人莫如材爲時生祥資世烈感狼
星而兆壯煥驪穴以騰英玉帳金壇神授六韜之訣瑀戈寶鼎門

傳八命之基故能業嗣良方名高異俗撫土樂同于鳧藻伐謀動契乎龜著麾下從容每投壺而講禮帳中談笑亦披卷以研精必當躍馬橫矛恨征南之不武詞宗學海輕鎮北之無文式是全允膺注意故得勃吞敵國勢峙長城廟算遐敷家聲克裕三川底定粲青史于元和九郡肅齊著洪勳于盛際元和中杜公黃裳舉國夏侯公用安南公恭惟燕翼之謀自契君臣之美幽陰雪憤竦駢送復交阻故地七廟之靈誅零廓清彰一人之聖武中外禔福飛沈載揚韋帶諸生鉅鎔賤質早負微能之志曾無驂力之期有慚于鬻術明廷欲希橫革非所以煥揚休烈未始抽毫竊抃神功猶增懦氣鹿鳴登薦小臣無補于頌歌龍德飛榮大國必資于雲雨昔牢夷勦定漢紀崇勳林邑克平隋刊盛績將欲耀聲明之遠暢託轍跡以無窮輕叨謫材仰騰茂實庶雕豐麗德卓穹厚而長存瑩儉圖功示乾坤正氣集

卷四十一

十三

威靈之無外載惟荒燥遂揭穹碑銘曰

珠躔映運鼎業鑿乾麟銜瑞紀鳳舞昌年層瀾浩注景祚遐延光凝寶篋慶藹祥編上岳繼文皇圖增煥得一踐義登三轅漢懿網牢籠大鑪貞觀宗社還資徵明接旦雲腴洞潤月窟皆傾鈞山就日截海來庭琛羅翠羽賁委香瓊旁魄萬有駿奔百靈乃睠荒夷獨迷元造虺毒潛萌狼心益驚宸激焦煙塵埋瘴嶠數命講材式資窮討衿服將授暢轂斯臻肅拜清廟時維寶臣熊旗日浴貝冑星陳機懸玉弩彗迸金鱗申命長驅指麾橫厲嶢嶢鷹麟稜稜虎視叠懿峩山連師禺裔視險必夷屠堅若脆元戈增耀赤憤憑兕鋒攢睥睨火迸燦燿天聲下震神將沈雄高牙爰指厚陣皆空吒咤虹攄騰凌電掃動若摧枯勢踰穿縞血浪噴溟嶺山亘島沓卷一隅霞披四表我武旣張我威載揚克翦違命乃恢舊疆上帝寵

錫元戎休光允茲壯烈有耀羣芳遺孽偷魂數將盡滅魚窮鱗鼎
蟻懼搜穴用警殊倫斯爲還鞬勒頌海垠式昭天伐

故太子太師致仕盧公神道碑

公諱渥字子章范陽人盧氏出于齊齊之始祖以姬周克享于仁
乃佐文武定天下弛刑之後其裔孫又能以大義匡奉且救諸侯
之患宜其百代昌盛矣及拓跋陷幽冀之域士人之整飭官烟不
失其舊者推于周黨所爲甲門高齊恩通公爲黃門遠公八世祖
曾祖某官祖某官皆以德義顯本朝先公諱某兼以儒術吏治歷
仕終某州刺史娶清河夫人人生公公植德秉仁而識致遠大濟之
強學發爲文章故未就鄉學舉則時輩後生皆以爲傑出雖文場
迂滯然時者亦厯指要顯不敢徒以負地待之會府方重首薦公
爲主試者所強舉子未効其業于主師則踵門投贄者已數百輩

乾坤正氣集

卷四十一

十三

時宜宗鏡意文治白衣稍出流類亦往往上門故公中選甲科籍
則待制名臣亦以得人爲賀皆爲儒風隆替當係于公累辟諸侯
府亦以公去就爲輕重御史丞將選僚屬遞相告約纔及升班之
限臺命已行太夫人在洛乞以散秩就養拜國子博士分務殆十
年公議所迫遷侍御史專領東臺之務徵起居轉司封員外知雜
事正色讜言舉劾不撓遷司勳郎中時宰所忌出倅宣武軍以緩
之未更歲入爲某曹郎遷拜萬年令大京兆每引見必優禮言則
規稟諸曹請事若奉嚴師其政可知也誥命極選所以內訓百辟
外訓四方元和中若韓李二文公裴晉公令孤相國元白李淮南
聯處內外之制任征伐約束依助大朝其後取人多以時望望勝
則人以地優用輕則才以勢軋兼而不忤乃屬于公拜某官知制
誥每涉委廉則堂列簪貽宰相詳議大政亦俟入直乃行前後六

年編錄盈筭實一時典則也丁內憂哀毀逾禮士大夫莫不感傷
免喪拜陝虢觀察使兼御史中丞前蒞是邦或出禁侶惟畏內臣
護軍劉重美黨類豪侈傲視廉使橐奸黷貨得以自專及公至鎮
待之有制重美雖漸斂束改態未鋤公舉其壞政之甚者面數以
挫其鋒卒俛首受教權不外奪教人自蘇息矣遇江嶺宿兵邊戍
乏食滑州軍奮臂標迴開折天侶及驟至墻下吏士縮慄皆請閉
關拒守公曰彼凍餒所迫未聞肆毒吾因而撫之冀其返善若首
唱其惡彼畏彭聞則懷疑峰潰矣廷議力未能制且當邊其所歸
奈何反開門具餼勞召主將親諭之果遽感悟而東逮出境人無
懼其患噫古所謂仁勇難哉其他惠愛廉平猶可徵諸故老初公
報政當陟且懸文柄之命權倖所沮事未克行及此傳聞中外推
敬故宰職得伸其所志冬十月拜禮部侍郎羣輩之躁聚勢門欲

乾坤正氣集

卷四十一

十四

以浮論籠駕主司者迎自咎其牙角泊入貢署纔引明經則美稱
已譁于外議遇大駕南幸乃中輟人至今惜之明年春自都潛出
二月至中條舍于幕吏司空圖被疾浹旬方至洛由漢陰詣蜀舟
行迂滯尙以後至授國子祭酒公論逾鬱拜御史丞兼左丞東拔
端良風威益振駕迴未幾又徒步扈從于寶雞至褒中岐蜀阻兵
食俱困主相深念計無所施乃拜公戶部尙書領興二元雷事知節
度使事焚剽之後百姓逃竄公躬自招撫且徵賦食山吐相勉貢
輸軍聲大振時議以爲蕭何大勲實非公不濟上每斂容優異許
以入輔者數矣公堅讓乞退至京尙以檢校司空太常卿疇庸遷
尙書右僕射自古澄汰稍厲多礙于時苟訾失貴則受制羣黨驅
之仇敵反爲國病矣公謂軌律在已足以正人未嘗惑愛憎之言
遽出升黜而尤者自去明恕以彰又古所謂得大臣之體者乎仁

哉崇授保傅尋以檢校司徒致仕從堅請也大駕移幸公自華至洛天祐二年九月十日寢疾薨于長壽佛宇享年八十六嗣王輟朝贈某官諡曰某噫古之碩賢或享高位上壽蓋尸其柄者時顯至公以警于昭幽俾爲善者不悔耳公孝于家勤于國宜于人旣于是而報應又如此果使後之追企者唯恐不逮以邀福于神明然則善人之化于人雖沒世而彌彰矣且家邦將盛必有所繫蓋感致之效當究其源耳初公旣屬文太夫人知其友愛諸弟且命相敦誘故諸弟子亦能相師稟就其所業及公中第卽又孜孜指導進取果歲繼捷皆籍于顯地祿養之榮孝敬之美一時罕及也推是而言則詩所謂施于兄弟至于家邦公宜與聖人之徒亘百代而合契美哉公介弟尙書公紹尤檢剋亦能率其子弟俾幼無違者仲弟治考功郎中季弟沈右補闕從事洛都畱守府蓋雅族

乾坤正氣集

卷四十二

十五

積祐有以保持公以其年十月某日附葬于緱氏某鄉某里禮也夫人姑臧君李氏柔順明淑叶公慈卹內外孤嫠賴之獲濟先公而終孤刑部侍郎膺實惟冢嗣敏材慎行而器競不能入弟賡左補闕整整唯謹目爲令人有以見縣祚無窮也自昔負大名擁大望苟無其實必若負重而趨雖非有力者擠之亦富自蹶矣宣懿之際士類方競其間與公別著親友之分者薊薊當世止有數賢皆退可革天下之澆風進可效荷天下之大任歿則金石之綴史氏之筆端豈容易而品級哉千載之下必得其人蓋知始無愧耳今年秋八月愚詔追洛拜公牀下明日繼謁蒙手授以詩且有釋氏多言宿分深之句瞪視不言若屬意于紀述默至感悟誓竭菲才況業履謨庸三紀備熟雖有文酒之工亦莫能詳悉然則刊爾信實門人焉得爲讓銘曰

姜佐宗姬仁移于誼馳及厥裔亦恢四履紉絕扶微益延世祀戰
國橫潰獨整士風漢氏之東植顯大宗黃門魁偉州黨所宗逮我
太師教義足維出入允宜萬方廷萃珍覘叠委待公爲瑞秉文愼
擇列曹驟歷乃訓百辟國事洞疑王旅阻飢唯公是咨冠裳奕奕
禮義是則公庸乃陟或道之亨孰喜孰戚華崇之趾吾老如此克
躋壽祉皆極報德照彼日星摩地載肩鑿石張銘濟我淑貞勗爾
後生

09972

乾坤正氣集

卷四十二

六

